

Bosna i Hercegovina (BiH)

oktobar/listopad 2023

BiH je suočena sa situacijom mješovitog kretanja, sa velikim brojem izbjeglica i migranata (28.661¹ do sada ove godine) – gdje većina prolazi kroz zemlju.

U tom kontekstu, UNHCR saraduje sa vlastima BiH na efikasnosti postupka azila.

U oktobru je 14 lica (12 predmeta) registrovalo svoje zahtjeve za azil kod Sektora za azil Ministarstva sigurnosti (MS).

KLJUČNI INDIKATORI

18 pozitivnih odluka²

U oktobru je Sektor za azil MS-a donio 19 rješenja (8 predmeta) – najveći broj rješenja u jednom mjesecu ove godine. Od njih 18 dodjeljuje supsidijarnu zaštitu (7 predmeta) licima iz Turske i Ruske Federacije.


Obučeno 22 sudije i službenika za azil

Dana 19. oktobra u Sarajevu je održana zajednička radionica EUAA-UNHCR o preduslovima za međunarodnu zaštitu. 22 sudije i službenika za azil iz BiH, Sjeverne Makedonije i Crne Gore saznalo je više o različitim kriterijumima za dodjelu statusa izbjeglice ili statusa supsidijarne zaštite.

FINANCIRANJE (SA OKTOBROM 2023)

USD 8.7 miliona

traženih za Bosnu i Hercegovinu



UNHCR BiH je zahvalan na podršci svojim donatorima u 2023:

Evropska Unija | Sjedinjene Američke Države

SKUPINE / POPULACIJE OD INTERESA

Lica pod međunarodnom zaštitom	161
Tražitelji azila	107
Ukrajinci u izbjegličkoj situaciji ⁴	178
Apatridi ili lica u riziku od apatridije	29

TRI PRVODEKLARISANE ZEMLJE PORIJEKLA

Lica pod međunarodnom zaštitom	Tražitelji azila
Turska 56	Ruska Federacija 51
Srbija i Kosovo (S/RES/1244... 32	Turska 18
Sirijska Arapska Republika 27	Afganistan 12

¹S/RES/1244 (1999)



Davanje informacija o azilu u BiH u Privremenom prihvatnom centru Blažuj. Foto: Vaša prava BiH

Operativni kontekst


Situacija miješanog kretanja

U oktobru je u BiH neregularno stiglo 3,487¹ osoba, što je za ¼ manje u odnosu na prethodni mjesec. Tri prvodeklarirane zemlje porijekla su Avganistan (44%), Maroko (19%) i Pakistan (6%). Od ukupnog broja dolazaka u oktobru, Služba za poslove sa strancima (SPS) je za 91% (3,172 lica) izdala „Potvrdu o namjeri traženja azila“ (AISA). Krajem mjeseca u prihvatnim objektima bio je smješten 1,621 migrant, tražitelj azila i izbjeglica. Azilantski centar Delijaš je 2023. godine bio uglavnom prazan, a malobrojni smješteni tražitelji azila ostali su kratko (u prosjeku 20 dana). Međutim, prosječna dužina boravka petorice tražitelja azila koji su bili u Centru do kraja oktobra porasla je na 48 dana.


Pregled sistema azila

U oktobru je 14 lica (12 predmeta) registrovalo svoje zahtjeve za azil kod Sektora za azil Ministarstva sigurnosti; 10 (8 predmeta) od njih zastupao je UNHCR-ov pravni partner Vaša prava BiH. Donijeto je 19 rješenja² (8 predmeta), 18 kojima je dodijeljena supsidijarna zaštita (7 predmeta) i jedno negativno. Jedna aplikacija je „na drugi način zatvorena“. Na kraju mjeseca 11 osoba je čekalo registraciju svojih zahtjeva za azil uz pomoć UNHCR-a i partnera.

Registracije po zemlji porijekla u oktobru



Odluke² u oktobru



Vremenski okvir postupka azila sa krajem oktobra

212 dana

Prosječno vrijeme obrade od registracije zahtjeva za azil do prvostepenih odluka (na nivou predmeta) donijetih u 2023. godini. Odluke na koje je uložena žalba nisu uključene.

Obrada azila do sada u 2023. godini

- 122 zahtjevi
- 2 izbjeglički status²
- 53 status supsidijarne zaštite²
- 12 odbijeni zahtjevi²
- 35 na drugi način zatvoreni²

¹ Statistika bazirana na podacima koje UNHCR sedmično dobija od Ministarstva bezbjednosti.

² Odluke nisu konačne i pravosnažne. Brojke se odnose na broj osoba obuhvaćenih odlukama.

⁴ Lica iz Ukrajine koja su podnijela zahtjev za privremeni boravak iz humanitarnih razloga, koji dozvoljava boravak do šest mjeseci, ali bez prava (pored boravka).

Dostignuća³



ZAŠTITA

Dostignuća i učinci

- **328** osoba je dobilo pravne informacije o azilu u BiH kroz individualno i grupno savjetovanje
- **65** osoba je potpomognuto kroz besplatnu pravnu pomoć u predmetima koji se odnose na azil
- **1** slučaj rizika od apatridije je riješen
- **2** riješena strateška/prioritetna slučaja interno raseljenih lica i povratnika

Identifikovane potrebe i preostali nedostaci

- Delegacija UNHCR BiH prisustvovala je regionalnoj konferenciji OSCE-UNHCR-a o sprječavanju apatridije i pristupu matičnim knjigama u Jugoistočnoj Evropi, održanoj u Skoplju 17. oktobra. Delegacija BiH, sastavljena od Ministarstva civilnih poslova, Federalnog Ministarstva unutrašnjih poslova, Ministarstva uprave i lokalne samouprave RS i pravnog partnera UNHCR-a "Vaša prava BiH", obavezala se da će do završetka kampanje *I#Belong* u 2024. godini riješiti 29 poznatih neriješenih slučajeva apatridije. UNHCR se zalaže za uspostavljanje održivog mehanizma prevencije, posebno putem državne besplatne pravne pomoći, kako bi se izbegli novi slučajevi.



ZAŠTITA DJECE

Dostignuća i učinci

- UNHCR je 26. oktobra doprinio UNICEF-ovoj obuci u Bihaću o upravljanju predmetima zaštite djece, predstavljajući [UNHCR-ove Smjernice za procedure najboljeg interesa djeteta](#). Obuka je imala za cilj jačanje kapaciteta centara za socijalni rad u Unsko-sanskom, Sarajevskom, Hercegovačko-neretvanskom i Tuzlanskom kantonu, kako bi se omogućilo dalje angažovanje u prevenciji i odgovoru koje se odnose na djecu izbjeglice, migrante i djecu tražitelje azila. UNHCR je, takođe 31. oktobra, intervenisao u Radnoj grupi za zaštitu djece na državnom nivou na temu *Određivanje najboljeg interesa za djecu bez pratnje i razdvojenu djecu*.

³ Podaci dati na osnovu informacija dostupnih do danas.

Identifikovane potrebe i preostali nedostaci

- UNHCR prati situaciju djece tražitelja azila u BiH i pozdravlja praksu Sektora za azil Ministarstva sigurnosti davanja prioriteta obradi njihovih zahtjeva za azil, zbog njihove ranjivosti. UNHCR je identifikovao potrebu da ova djeca prođu kroz formalne postupke određivanja najboljeg interesa kako bi se procijenila adekvatna trajna rješenja. UNHCR koordiniše sa vlastima, UNICEF-om i drugim relevantnim akterima kako bi ponudio podršku za brzu akciju.
- Jačanje kapaciteta uposlenika socijalne službe, posebno u vezi sa upravljanjem slučajevima (uključujući procjenu/određivanje najboljeg interesa), zakonskim starateljstvom, zaštitom i rodno zasnovanim nasiljem, ključno je za efikasnu zaštitu lokalne, izbjegličke, migrantske i azilantske djece.



OSNAŽIVANJE ZAJEDNICE I SAMOSTALNOST

Dostignuća i učinci

- **1.377** osoba je primila psihosocijalnu podršku
- Postoji sve veći interes za **učnjem jezika** među osobama kojima je potrebna međunarodna zaštita u BiH. Završen je drugi semestar jezika, koji je uspješno završilo preko 90% učenika. U međuvremenu, novi semestar je već počeo kako bi se obezbijedio kontinuitet u učenju.
- 12. oktobra, nakon Sarajeva i Tuzle, UNHCR i Ministarstvo za ljudska prava i izbjeglice održali su u Bihaću **radionicu o integraciji** osoba pod međunarodnom zaštitom u BiH. Oko 50 vladinih službenika sa entitetskih, kantonalnih i opštinskih nivoa razgovaralo je o dobrim praksama i preostalim izazovima u procesu integracije. Učesnici su se saglasili o potrebi kontinuirane edukacije pružalaca usluga i osoblja institucija koje služe osobama pod međunarodnom zaštitom.



Lica kojima je potrebna međunarodna zaštita koja su uspješno položila ispit iz lokalnog jezika. Foto: Inicijativa žena Bosne i Hercegovine

Rad u partnerstvu

- U cilju implementacije svoga programa za 2023. godinu, UNHCR radi sa **vlastima u BiH** na podršci pristupu pravednom i efikasnom postupku azila, okončanju apatridije i osiguranju pronalaska rješenja za one kojima je potrebna međunarodna zaštita. Trenutno UNHCR saraduje sa Službom za poslove sa strancima, Sektorom za azil Ministarstva sigurnosti i Ministarstvom za ljudska prava i izbjeglice.
- UNHCR saraduje i kroz partnerske sporazume sa tri **partnera iz civilnog društva**, tj. Vašim pravima BiH za pružanje pravne pomoći, Bosanskohercegovačkom Inicijativom žena za pružanje psihosocijalne podrške i Katoličkom službom za pomoć u vezi pomoći u integraciji osobama pod međunarodnom zaštitom.
- U partnerstvu sa dječijom knjižarom Bajkologija, u pet škola na području Unsko-sanskog i Sarajevskog kantona održane su **radionice** predstavljanja slikovnice "Čarobno oko" autorke Ane Bjorn, koja istražuje moć mašte kroz perspektivu djevojčice-izbjeglice. Do kraja godine biće održano šest dodatnih radionica u ostalim dijelovima BiH.
- UNHCR se udružio sa NVO-om "Artolution" iz Bihaća i implementirao **aktivnosti socijalne kohezije kroz umjetnost**. Održano je šest kolaborativnih i pripremnih radionica za 35 učesnika, među kojima su bili djeca izbjeglice, kao i djeca iz lokalnih i migrantskih zajednica, kako bi ukrasili osnovnu školu muralom.



Mural koji su naslikali djeca izbjeglice, tražitelji azila, migranti i djeca iz zajednice domaćina, na školskoj zgradi u sklopu UNHCR-Artolution projekta u Bihaću. Foto: asistent na projektu, Ervin Kadić

Spoljnji odnosi / odnosi sa donatorima

KONTAKTI

Nolwenn Gernigon, Pomoćni službenik za spoljnje odnose i izvještavanje,
bsnsa@unhcr.org - gernigon@unhcr.org, Tel: +387 33 290 431, Cell +387 62 990 136

Neven Crvenković, glasnogovornik,
bsnsa@unhcr.org - crvenkov@unhcr.org, Tel: +387 33 290 401, Cell +387 61 173 756

LINKOVI

[Regionalni portal](#) - [UNHCR BiH stranica](#) - [Twitter/X](#) - [Facebook](#)